

**Láhkaásahus Finnmárkku šláddjes lastavuvddiid suodjalanplána birra.
Bihkkačohka álbmotmeahci suodjaleapmi Porsáŋggu gielddas, Finnmárkku
fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrásas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

§ 1. Ráddjejupmi

Álbmotmeahcci guoská čuovvovaš dállonr./doallonr. Porsáŋggu gielddas: 34/1.

Álbmotmeahcci gokčá su. 988 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 27 500. Álbmotmeahci dárkilis rájit galget merkejuvvot eatnamii. Čiegat merkejuvvoyit koordináhtaiguin.

Suodjalanlákhaásahus oktan kárttain galgá vurkkoduvvot Porsáŋggu gielddas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

§ 2 Ulbmil

Suodjaleami ulbmil lea seailluhit measta lihkatkeahtes lastavuovdeguovllu ekovuogádahkan oktan buot lunddolaš šattodagain ja ealliiguin. Guovllu erenoamáš kvalitehtat leat kálkagái bideaddji šattodat dolomihttaeatnamis ja hui ollu šlájat, earret eará leat doppe ollu orkideat. Guovlu lea erenoamáš sadji mas leat máŋga šattodatšlája ja stuorra šladjariggodat.

Álbmotmeahci luondduvuđđossa dikšun lea dehálaš sámi kultur- ja ealáhusávkkástallamii. Guovllu galgá sahttit geavahit boazodollui.

§ 3 Suodjalanmearrádusat

Álbmotmeahccái gustoit čuovvovaš mearrádusat:

1. Šattodat, dás maiddái jápmán muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Odđa šaddošlájaid gilvin ja buktin dohko eatnamii ja sáivačáhcái lea gildojuvvon.
2. Eallit, dás maiddái beasit ja biejut, leat ráfäiduhttojuvvon vahágahttima, bilideami ja dárbbašmeahttun ráfehuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čađahit, mat rievadait luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkkanusaid, guođđit kámpenvávnnaid, bráhkáid jed, fatnasiid giddet boijjaide dahje guođđit gáddái, bidjet eatnanbajábeallásáš jođđasiid, eanajodđasiid ja duolvačáhcebohciid, hukset geainnuid, roggat goivvohagaid ja eara láhkai

goikadit eatnamiid, váldit, deavdit ja vurket mássa, luoitit kloáhka dahje eará čoahkáiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhtinávnnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maiddái áibmofievrru girdileapmi ja seaivun, lea gildojuvvon.
5. Álbtmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhttá vuhtiiválddidettiin ráfáiduhttinulbmila láhkaásahusain gieldit dahje muddet johtolaga oppa álbtmotmeahcis dahje dan osiin.

§ 4 Oppalaš spiehkastagat

3. § mearrádusat eai hehtte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahčandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuođas gáibida sierra lobi.

3. § nr. 1-3 mearrádusat eai hehtte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjiid ja borramušguobbariid.
5. Bivdimä ja gárduma fuođđolága vuođul.
6. Čorgemis bálgáid.
7. Ávnasteami duoji várás.
8. Dárbašlaš mohtorjohtolaga buohcci ja lápmášuvvan šibihiid viežzama oktavuođas. Dat fievru mii geavahuvvo, ii galgga olus golladit luonddu. Ovdalgo vuoddjá galgá diedihit bearráigeahčui.

3. § nr. 1-4 mearrádusat eai hehtte:

9. Vuodjimis muohtaskuhteriin dárbbu mielde boazodoalu oktavuođas.

§ 5 Vejolaš spiehkastagat ohcama vuođul

Hálddašaneiseváldi sáhttá ohcama vuođul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Geavahit mohtorfievrru dárbbu mielde dálvsiivun muoraid geasehit.
4. Geasehit mohtorfievrruin dárbbu mielde báhčojuvvon ealggá.
5. Johtalit mohtorfievrruiguin dárbbu mielde bievlán boazodoalu oktavuođas.
6. Johtalit mohtorfievrruiguin dárbbu mielde hárjehallanvuodjima oktavuođas dakkár áigumušaiguin, mat leat namuhuvvon 4. § 1. čuoggás.

Boazodoalu várás láhčojuvvvo vejolašvuhta oažžut máŋggajagáš lobiid, mat boazodoalus galget oktiordnejuvvot ja válđojuvvot mielde orohatplánii boazodoallolága vuođul, nu ahte ealáhusain sáhttá bargat dohkálaš vuogi mielde.

§ 6 Oppalaš sierralohpemearrádusat

Hálddašaneiseváldi sáhttá spiehkastit láhkaásahusas go suodjaleami ulbmil dan gáibida, ja dieđalaš iskkademiid oktavuođas, servodahkii mearkkašahti mávssolaš bargguid oktavuođas dahje erenoamáš dilálašvuodaid oktavuođas go dat eai rihko suodjaleami ulbmila.

§ 7 Dikšun ja hálddašanplána

Hálddašaneiseváldi, dahje dat geasa hálddašaneiseváldi fápmuda válddi, sáhttá čađahit dikšundoaibmabijuid maiguin ollašuhttá suodjaleami ulbmila. Sáhttá ráhkaduvvot hálddašanplána mas sáhttet leat dárkilet njuolggadusat dikšuma várás.

§ 8 Hálddašaneiseváldi

Luondduhálddašandirektoráhta mearrida geas galgá leat hálddašanváldi dán láhkaásahusa vuođul. Sámi beroštusat galget fuolahuvvot dan hálddašanortnegis mii ásahuvvo.

§ 9 Fápmuiboahtin

Dát láhkaásahus boahtá fápmui dálán.